

**SECRETS BABY BEACH
A YAMA BONBINI NA SU
PROME HUESPEDNAN**



WWW.SOLODIPUEBLO.COM



SOLODIPUEBLO@GMAIL.COM

**Enbes di wordo nombra
minister.....**

**MIKE DE MEZA NOMBRA
COMO SOSPECHOSO DI
HUSTICIA**



**Un preso den KIA
tabata dirigi tur cos
DOS VENEZOLANO
CONDENA PA
PASAMENTO
DI DROGA DEN
KIA VIA DRONE
DILANTI HUES**

**TENDECIA RIBA SOCIAL MEDIA
TOCANTE SUBSTANCIA ILEGAL
DURANTE CONCIERTO CU E
ARTISTA NO TA CUADRA**



Awo cu 2 florin mas, bo por gana e MEGA PLUS

***Afl.**

600.000,-

***Afl. 400.000,- + Afl. 200.000,-
extra**



HUNGA AWO



Benta ta sera 7:30 pm y sorteo ta hunga 7:45 pm

ARUBA TA EXPRESA SU SOLIDARIDAD CU SENADOR COLOMBIANO MIGUEL URIBE DESPUES DI INTENTO DI ASESINATO



Prome Minister mr. Mike Eman y su esposa Doina, den number di Gobierno di Aruba, ta expresa nan mas profundo y sincero sentimento di solidaridad y preocupacion na e famia

di Senador Miguel Uribe di Colombia, despues di e lamentabel atentado contra su bida.

E atentado aki a conmove e comunidad di Aruba profundamente. Un atentado contra un lider democratico no solamente ta un dolor personal pa su famia, pero tambe un herida na e balornan democratico cu nos tur ta comparti como pueblo y como region. "Awe, nos ta sinti e sufrimento hunto cu su famia y cu henter e pueblo Colombiano". Prome Minister a expresa.

Nos ta pidi Dios pa duna fortaleza, paz y consuelo na Senador Uribe, su sernan keru y su comunidad. Nos ta haci oracion pa su pronto y completo recuperacion. Ta hopi importante pa nos, como pueblo Arubano, muestra cu nos ta un pueblo solidario, cu ta para hunto cu otro pueblo den momentonan dificil.

Prome Minister Mike Eman a tuma contacto cu e Consul General di Colombia na Aruba, sr. Gustavo Serrano Amaya,

pa expresa di manera oficial e apoyo y cariño di e pueblo Arubano. E mensahe ta cla: Aruba ta para solidario na banda di su pueblo ruman di Colombia.

Gobierno di Aruba ta rechasa categoricamente tur forma di violencia, y mas ainda ora violencia ta purba pone obstaculo na e yamada democratico di lidernan cu ta traha den number di nan pueblo.

Mester defende democracia cu palabra, accion, y cu union.




Cu Dios fortalece Miguel Uribe, consola su famia y guia nos tur riba un caminda di speransa comprension y respeto mutuo.

DAMA CHAUFFEUR A HAY UN CHENS DI UN BANDA PERO NO A WAK OTRO BANDA Y A CAUSA UN ACCIDENTE CU HENDE HERIDA



Dialuna mainta a drenta informe di un accidente cu hende herida na Wayaca dilanti di C.M.O., mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un dama chauffeur a haya chens di banda pariba pero

no a pone atencion cu un auto cu tabata bini di pabao y a sali dal e auto aki den banda di e chauffeur pa cual ela resulta levemente herida. Na yegada di e ambulans nan a atende e victima na e sitio mes despues di a delibera cu su dokter di cas.



Ministro encarga cu Turismo & Salubridad ta anuncia cu entrant **11 juni 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning B** pa e parcela na **Jan Flemming 2**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

Enbes di wordo nombra minister.....

MIKE DE MEZA NOMBRA COMO SOSPECHOSO DI HUSTICIA

Oranjestad – Un noticia inespera a sacudi e ambiente político arubano diadomingo atardi, ora Mike de Mesa, candidato pa un puesto ministerial den e gabinete nobo di Mike Eman, a ser nombra oficialmente como sospechoso den un caso penal.

Mike de Mesa mes a confirma ora e a yega for di Hulanda riba domingo atardi, cu su abogado a informele cu e Procurador General di husticia a comunica

oficialmente cu Eman indicando cu de Mesa ta wordo considera sospechoso den un investigacion. Como consecuencia, e promer recomendacion positivo pa su nombramento como ministro a wordo retira.

Segun de Mesa, Departamento di Impuesto a entrega un keho formal na Ministerio Publico, relaciona cu irregularidad financiero y asunto dudoso tocante su pago di impuesto. E desaroyo aki a cay

manera un bañk di awa friu riba e proceso di formacion di gabinete. Pa Eman, e situacion ta pone un obstaculo serio: sin un consejo positivo, e no por sigui cu e nombramento.

Pueblo ta sperando claridad pronto, y cu hustisia lo tuma su curso na manera correcto. E caso di Mike de Mesa por tin implicacion amplio pa e credibilidad di e gabinete nobo cu ta den formacion.



Parlamentario Shailiny Tromp-Lee (MEP) ta informa riba reunion Parlatino: COMO MIEMBRO DI COMISION DI TURISMO Y MEDIO AMBIENTE MI A FIRMA ACUERDO REGIONAL PA MEHORA ACCESO NA FONDO INTERNACIONAL PA PROYECTO AMBIENTAL



Oranjestad, Aruba – Durante e reunion oficial di e comision di Turismo y Medio Ambiente di PARLATINO (Parlamento Latinoamericano y Caribeño), teni na Panama riba 5 y 6 di juni 2025, un grupo di parlamentario di varios pais latinoamericano y caribeño – incluyendo Aruba – a firma un acuerdo importante pa enfrenta un di e obstaculonan mas grandi den e lucha contra cambio climatico: e falta di capacidad pa

haya acceso na fondo internacional pa proyectonan medio ambiental.

Como firmante mi a uni mi firma na un acuerdo pa haci un peticion na PARLATINO pa e haci un estudio y analisa e posibilidad di duna apoyo tecnico y asistencia structural na comunidad y paisnan miembro cu kier presenta proyectonan ambiental pa haya fondonan internacional manera di Fondo Verde. E meta ta pa e proyectonan por haya acceso mas facil na fondo disponibel pa proteccion di medio ambiente, pero cu hopi biaha no por wordo usa pa motibo di falta di experto, conocimiento y capacidad tecnico pa por realisa e peticionnan.

Esaki ta un paso concreto pa yuda pais chikito manera Aruba, unda nos tin bon idea, nos tin

necesidad urgente, pero hopi biaha no tin e mannan tecnico pa elabora e proyecto pa haya e fondo. E acuerdo ta propone cu PARLATINO por sirbi como un facilitador, cu por tuma un rol den e proceso describi aki riba. Si Parlatino acepta e lo duna un relevancia nobo na e instituto y lo facilita acceso di su miembronan na fondo internacional pa nan proyecto medio ambiental. E problematica ta comun den region: fondo ta existi, pero e obstaculo ta falta di capacidad pa haya acceso na nan. Aruba, manera otro isla, ta sinti e consecuencianan di cambio climatico riba un manera intensivo, y ta urgente pa por actua cu apoyo structural.

Como parlamentario mi a plantia dos punto ora a trata e acuerdo aki. Uno ta cu como isla miembro

di Reino Hulandes cu no ta completamente independiente nos ta keda exclui hopi biaha di accesibilidad na e fondonan, mientras nos no ta haya esaki tampoco for di Hulanda of Union Europeo. Mi a pidi coleganan parlamentario atencion pa nos situacion y si por atende cu p.e., e Fondo Verde cu nos a trata. Alabes mi a plantia e punto cu segun mi nos mester puntra Parlatino si nan tin e “body” in place pa por acapara e tarea y si nan ta premira gasto pa por ehecuta e tarea.

Pa termina mi mester bisa cu mi firma ta simbolisa mi compromiso cu nos pueblo y cu nos planeta. Cada paso cu nos tuma hunto, ta hiba nos mas cerca na solucionnan concreto pa nos por ta mihor prepara pa e impactonan di cambio climatico.



NoticiadiCorte

Un preso den KIA tabata dirigi tur cos **DOS VENEZOLANO CONDENA PA PASAMENTO DI DROGA DEN KIA VIA DRONE DILANTI HUES -1-**

Den Corte di Husticia a trata e caso penal cu Ministerio Publico a cuminsa contra e dama Venezolano A.C.L.A. y su primo homber S.L.A., kendenan ta wordo acusa di ta involvi den bendemento di marihuana y posesion di marihuana.

SOLO DI PUEBLO por a compronde cu e dama A.C.L.A. su pareha J., encarcela den KIA, tabata instrui A.C.L.A. pa hiba marihuana y cobra hendenan. E primo S.L.A. tambe tabata cobra hende.

E acusacion cu Fiscal a presenta den Corte contra A.C.L.A. y S.L.A. ta cu entre 14 Juni 2024 y 21 November 2024, nan tabata meti den bendemento y posesion di marihuana.

BENDE MARIHUANA Y COBRA PLACA

Hues a bisa cu for di investigacion di Polis ta sali na cla cu un preso den KIA, J., tabata haya droga via Drones. Tambe cu e pareha di J., A.C.L.A., lo tabata busca e droga y tambe S.L.A. Investigacion di Polis ta muestra cu A.C.L.A., S.L.A. y e mama di A.C.L.A., ta involvi.

Hues a muestra cu A.C.L.A. a declara na Polis cu e tabata busca placa y droga riba instruccion di e preso J. Segun A.C.L.A., el a bisa Polis cu e

tabata warda droga.

A.C.L.A. a bisa cu e ningun momento e declara asina. El a bisa cu Polis no a puntr'e asina. Hues tambe a bisa cu A.C.L.A. a declara cu J. a yega di maltrat'e den pasado y pesey el a sigui. A.C.L.A. a declara na Polis cu J. for den KIA tabata duna instruccion kico e mester haci cu e marihuana y kendenan mester cobra. Segun A.C.L.A. e unico cos cu Polis a puntr'e ta con el a yega na e droga y cu el a bisa cu ta J. a bis'e pa warda droga y cu e tabata busca placa cerca clientenan 1 of 2 vez pa siman. Segun A.C.L.A., el a bisa Polis cu e tabata bende paña y tabata bay cobra 1 pa 2 vez pa siman.

554 GRAM Y MAS DI 19 KILO DI MARIHUANA CONFISCA

Hues a muestra cu tin un lista cu e haya di e mama di A.C.L.A. di nombenan cu placa cu mester cobra. Segun A.C.L.A. esey ta SAM. Hues a muestra cu Polis a bay papia cu algun di esnan cu nan nomber ta aparece y nan a bisa cu esey ta suma cu nan debe J. den KIA. Ta placa di droga cu nan a cumpra for di J. Na cas di A.C.L.A., 554 gram di marihuana a keda confisca mientras cu na cas di S.L.A. a confisca

ma di 19 kilo. Ta A.C.L.A. a hiba e marihuana na cas di S.L.A. y tabatin yabi di e cas. Esaki riba indicacion di J.

S.L.A. a bisa Hues cu e droga cu tabatin na su cas, A.C.L.A. a hib'e. El a bisa cu el a bay keda na cas di A.C.L.A. cu su famia pa asina deshaci di e droga. El a bisa cu e tabata busca placa for di hendenan pero no tabata sa cu ta placa di droga. Segun S.L.A., e tabata sa cu J. tabata fia hende placa y cu hendenan tabata paga bek. Hues a muestra cu e amiga di S.L.A. a declara cu tin biaha S.L.A. tabata cobra mas di 1000 florin y cu e tabata hiba e placa pa A.C.L.A. S.L.A. a bisa Hues cu esey no ta berdad. El a bisa cu door di e presion di Polis, e amiga tabata duna declaracionnan pa asina sali for di e presion. S.L.A. ta para riba cu e no tin nada di haci cu e caso aki. A.C.L.A. a bisa cu e no tin nada di haci cu asunto di droga. El a bisa cu el djis haci loke J. a pidi'e.

Hues a bisa cu tin hopi declaracion di otro personanan pero a usa algun pa confronta e dos sospechosonan cun'e. Ta asina cu J. a wordo conden'a segun A.C.L.A. na 8 aña di prison.

Continuacion pag 6

BOMBERONAN A BAY CU URGENCIA PA UN CANDELA NA UN CAS NA WAYACA RESIDENCE, BOMBERONAN A YEGA NA TEMPO!



Dialuna mainta tempran a drenta informe di cu tin un candela na un cas na Wayaca Residences, mesora a dirigi tanto polis como bombero na e sitio. Na prome instante tabata un poco dificil pa haya e cas pero despues di cu a haya indicacion e oficier di bombero a yega y a cuminsa informa e 2 unidadnan unda e cas ta ubica. Mientrastanto polis mes tambe a yega y e



oficier di bombero a tuma e slang di cas y a cuminsa combati e candela na yegada di e 2 unidadnan a paga

esaki completo. E posibel yobida lo tabata e causa di e candela.

TENDECIA RIBA SOCIAL MEDIA TOCANTE SUBSTANCIA ILEGAL DURANTE CONCIERTO CU E ARTISTA NO TA CUADRA

Cuerpo Policial Aruba a tuma nota di diferente post cu ta circulando riba rednan social pa loke ta trata e evento di Flip Flop cu a tuma lugar den Harbour Arena diasabra dia 7 juni.

Ta trata di un potret na unda un artista lo ta tin un sigaria parecido na un substancia ilegal den su man durante cu e ta dunado su show.

Di parti di Cuerpo Policial di biaha a haci un investigacion pa loke ta e hecho aki.

Awe durante oranan di merdia hefe di Distrito di Oranjestad compaña pa su personal como tambe hefe di departamento di comunicacion di KPA a sinta na mesa cu promotor di dicho evento.

ACLARACION:

Nos kier aclaria cu niun rato no tabata papia di un substancia ilegal. Ta trata di producto di tabaco. Promotor a splica cu esaki ta parti di e artista su show. Nan como promotor sa di ley y reglanan cu tin y no lo a permiti esaki. A muestra esnan na mesa un comunicado tambe oficial di e manager di e artista na unda e ta pidi su disculpa y enfatisa cu nan ta reconoce cu como organisador di e evento nan tin un responsabilidad pa cu e publico y specialmente na e generacion nobo

(hoben) cu ta sigi e artista encuestion.

Di parti di Cuerpo Policial nos ta informa cu a sinta na mesa simannan prome cu e organisador y despues tambe tabata tin un di dos reunion cu e stakeholdersnan pa loke tabata e evento aki mirando e magnitud di hende cu e lo a trece e anochi di e concierto.

Cuerpo Policial a percura pa tin suficiente polis uniforma durante e evento como tambe e parti di Mobile Commando.

Organisador a percura pa camaranan den diferente parti di e venue y na unda polis tabata tin acceso pa cu esaki. Di parti di e organisador tambe a pone suficiente security na diferente parti di e venue. E anochi a bay sin incidente pa loke ta trata e parti di orden publico y seguridad di cada un cu a bin presencia e concierto.

Cuerpo Policial Aruba ta enfatisa y recorda cu humamento di marihuana ta ilegal na Aruba. Artículo 4 di Landsverordening Verdovende Middelen.



Expression of Interest Maintenance and Rehabilitation of the Mooring Dolphin at Port of Oranjestad

Aruba Ports Authority N.V. (APA) invites interested and qualified contractors with experience in nautical and maritime projects to submit Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and rehabilitation of the Mooring Dolphin at Port of Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the rehabilitation of the Mooring Dolphin at the east side of the Port of Oranjestad, works include:

- The rehabilitation of the underside of the Mooring Dolphin which has undergone years of erosion, where great part of layers of concrete has broken off and exposing the rebars,
- Rehabilitation of the guard rails and the ladder,
- Maintenance of the bollards on top of the Mooring Dolphin,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit your expression of interest is **June 13, 2025 before 10:00 a.m.**

All should be directed to: tender@arubaports.com.

Subject/reference of email: Maintenance and Rehabilitation of the Mooring Dolphin at Port of Oranjestad

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.
Sincerely,



Un preso den KIA tabata dirigi tur cos DOS VENEZOLANO CONDENA PA PASAMENTO DI DROGA DEN KIA VIA DRONE DILANTI HUES -2-

FISCAL A EXIGI CASTIGO DI PRISON

Fiscal a bisa Hues cu e no ta haya proba cu S.L.A. tabata bende y colecta placanan di droga pa J. cu ta encarcela. Den caso di A.C.L.A., e situacion ta otro. Fiscal a mostra cu A.C.L.A. a declara cu e tabata warda droga y tabata hiba marihuana y cobra placa pa su pareha J. Fiscal a bisa cu e no tin motibo pa duda den declaracion di hendenan cu a cumpra y paga A.C.L.A. Fiscal a mostra cu Polis a haya 554 gram di marihuana serca A.C.L.A. Casi 20 kilo di marihuana a haya den e apartamento di S.L.A., cual A.C.L.A. a hiba mas o menos 1 siman promer cu nan a wordo deteni. S.L.A. a bisa cu riba peticion di A.C.L.A., el a warda e droga pa J. Tambe tin declaracion di J., kende ta admiti cu e droga ta di dje. Fiscal ta haya cu A.C.L.A. y S.L.A. ta complice di posesion di casi 20 kilo di marihuana. Tambe cu A.C.L.A.

durante 6 luna, riba instruccion di J., a bende marihuana y cobra placa.

Fiscal a exige pa S.L.A. 21 luna di prison di cual 3 luna ta condicional. Esaki cu un tempo di prueba di 3 aña. Fiscal a exige pa A.C.L.A., 2 aña y 6 luna di prison, di cual 6 luna ta condicional cu un tempo di prueba di 3 aña. Fiscal a bisa cu e droganan mester wordo destrui, e placanan ta keda confisca. E brommer y auto lo por debolbe.

SENTENCIA

Hues, despues di a scucha e defensa di mr. Illes cu a defende S.L.A. y mr. Emerencia cu a defende A.C.L.A., a sera tratamiento di e caso y a dicta sentencia di biaha. Hues ta haya cu den caso di A.C.L.A., tur dos acusacion proba. A haya droga den su cas y cas di S.L.A. Hues a mostra cu A.C.L.A. su declaracionnan na Polis ta papia bon cla di droga pa 6 luna y no

tocante bendemento di paña. Hues ta haya cu tabata cobra placanan di droga y tin un lista di nombenan y tres a confirma cu tabata paga placa di droga cu debe J. Hues ta haya S.L.A. culpabel di posesion di marihuana. Hues ta haya nan dos complice di e casi 20 kilo di marihuana. Declara S.L.A. liber di bendemento di droga. Hues ta haya cu S.L.A. tabata cobra placa pa J. pero no tabata sa cu ta placanan di droga.

Hues a condena A.C.L.A. na 2 aña y 6 luna di prison, di cual 10 luna ta condicional cu un tempo di prueba di 3 aña. Hues a condena S.L.A. na 16 luna di prison di cual 8 luna ta condicional cu un tempo di prueba di 2 aña. Hues a ordena pa e droganan wordo destrui, e placanan lo keda confisca, e auto tambe lo keda confisca. E brommer lo wordo debolbe. Cellulanan lo keda confisca.

SEÑAL Y SINTOMANAN DI MEASLES (SARAMPI)



Measles ta afecta e via respiratorio y despues ta plama full den e curpa. E sintomanan mas comun ta encera:

- Rash
- Keintura y tos
- Nanishi ta core
- Wowo cora y ta core awa
- Manchanan blanco paden di e boca

MEASLES

Mayoria morto a consecuencia di Measles ta pa motibo di complicacion relaciona cu e malesa. Complicacionan cu por presenta ta:

- Pulmonia
- Meningitis
- Cieguedad
- Infeccion di horea
- Diarea severo cu deshidratacion

Bo salud ta bo responsabilidad, tuma accion pa proteha bo mes contra Measles!

09.06.2025. Na momento cu un persona bin den contacto cu e virus di Measles, e prome sintomanan normalmente ta cuminsa aparece entre 7 cu 14 dia despues di e contacto.

Measles ta afecta e via respiratorio y despues ta plama full den e curpa. E prome sintomanan ta dura entre 4 pa 7 dia y ta encera:

- Nanishi ta core
- Keintura
- Tos
- Wowo cora y ta core awa (wowitis)
- Manchanan blanco chikito (koplik spots) ta parece parti paden di e boca, 2 o 3 dia despues cu sintomanan a cuminsa

3 pa 5 dia despues cu e sintomanan a cuminsa, ta aparece un rash cu mayoria di biaha ta cuminsa na cara y nek pa despues plama riba full e curpa. E rash ta dura den mayoria caso alrededor di 5 pa 6 dia prome cu e disparce.

Complicacionan cu por presenta ta:

- Pulmonia
- Meningitis
- Cieguedad
- Infeccion di horea
- Diarea severo cu deshidratacion

Mayoria morto a consecuencia di Measles ta pa motibo di complicacion relaciona cu e malesa.

Tur persona cu no ta vacuna of esnan cu a wordo vacuna y no a desaroya inmunidad por wordo contagia.

- Muchanan no vacuna
- Ciudadanonan cu inmunidad debil of comprometi

- Hende muher na estado ta esnan mas na riesgo pa desaroya complicacion.

Si un hende muher na estado haya Measles durante su embarazo esaki por ta hopi peligroso pa e mama y por resulta den un parto prematuro pa e baby. Pa e motibo aki cu ta conseha tur hende muhe cu ta planea pa sali na estado, pa tuma e vacuna contra Measles prome cu sali na estado. Durante embarazo lo no por ricibi e vacuna aki.

Bo salud ta bo responsabilidad, tuma accion pa proteha bo mes contra measles.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](https://www.instagram.com/directie_volksgezondheid_aruba), subi nos website www.dvg.aw, yama nos na 5224200 of mail nos na na.servicio@dvg.aw

A.T.A. ta sigui apoya socionan hotelero na beneficio di Aruba

SECRETS BABY BEACH A YAMA BONBINI NA SU PROME HUESPEDNAN



Diferente ekipo di A.T.A. a traha di cerca cu e hotel nobo Secrets Baby Beach. Tambe tin varios cu a haci un recorrido caba. Diabierna ultimo Ronella Croes, CEO di Aruba Tourism Authority, hunto cu varios colega a bishit'e, un dia despues cu Secrets a habri su portanan. Por a mira e hotel den accion.

Durante e recorrido tabata t'ey presente Jose Maria Perez de Ureta, gerente general di e hotel, Fernando Vega, director financiero y Ricardo Portillo, como director comercial. Di parti di A.T.A. tabat'ey Ronella Croes, Maas van Drie, Patrick Melchior y Gemey Zara. A muestra nan e cambenan, SPA, gym, e diferente restaurantnan y otro facilidadnan di e hotel.

Secrets Baby Beach by Hyatt a habri su portanan oficialmente diahuebs dia 5 di juni ultimo. E ta un 'soft opening' permitiendone a propieda pa test, mehora y gradualmente

ricibi mas bishitante. Riba e prome dia a yama bonbini na 52 camber, di dos dia el a bira 80, di tres dia 90 y despues di cuater dia ta surpasa 100 camber te yega 40% di e ocupacion total.

E partner nobo aki di Aruba den e pilar principal di nos economia, ta mustrandonan compromiso pa calidad. Grupo Martinon, di Spaña, tin propiedad na Republica Dominicana y Mexico tambe y Secrets by Hyatt ta nan prome aki na Aruba. Secrets by Hyatt ta un proyecto di 160 miyon dollar.

A.T.A. a tuma nota di e cantidad grandi di empleadonan cu ta di e area di San Nicolas. Tambe por a nota clientela mixto, esta di diferente pais. Algun a bishita como clientenan fiel di Secrets y algun otro ta cliente fiel di Aruba cu kier hospeda na e otro banda di e isla. A dialoga hopi riba e necesidad di maneha e fluho di bishitante

debidamente, subrayando e inversionnan haci den e zona aki (Baby Beach, Rodger's Beach entre otro) y tambe locual tin intencion pa continua cu ne. Pero tambe a subraya e echo cu ta importante mantene e caracter unico di San Nicolas cu e acento riba proteccion y asistencia di e cadena di Secrets den esaki tambe. A.T.A. ta comprometi pa sigui brinda asistencia pa cu e area di San Nicolas, tambe pensando aki riba e centro di e ciudad.

A remarca tambe cu e ultimo hotelnan cu a habri, esta Joia, St. Regis y Secrets ta amplia e posicion di Aruba den e segmento di esnan cu ta busca biahe di luho. E interes y demanda den e productonan nobo aki ta grandi.

Ta gradici gerencia pa e recepcion y ta felicita y desea e ekipo completo, hopi exito!

Tocante Secrets Baby Beach Aruba

Tabata na november 2019 cu AMResorts®, un compania di Apple Leisure Group® (ALG), a anuncia un acuerdo nobo pa construccion di 600 camber pa e proyecto Secrets Baby Beach Aruba situa cerca di Baby Beach, na San Nicolas, como parti di e cadena di Secrets® Resorts & Spa. E grupo tras di e proyecto ta Grupo Martínón, estableci na Aruba via e compania Three Rivers Real Estate



VBA.

E hotel ta destina solamente pa adulto y lo ofrece e concepto conoci como un vakantie exclusivo "Unlimited-Luxury®", cu ta cubri tur e opcionnan di cuminda y servicionan den e hotel, cu ta inclui oferta di cuminda estilo "gourmet a la cart" sin reservacion, servicio di cambenan y roomservice 24 ora pa dia, bebida sin limite, mini bar den camber, actividadnan y entretenimiento nocturno "live". Y tur e servicio y actividadnan aki ta inclui, pues no mester ni sali cu tas of cartera!


E grupo Apple Leisure

Group® (ALG) ta un di e companianan principal di tours, biahe y hospitalidad di Merca. Via su compania AMResorts® nan a desaroya of ta desaroyando proyectonan hotelero grandi den Caribe.

Siendo un compania reconoci como un lider den e mercado di hotelnan "All Inclusive", awendia AMResorts® ta maneha 66 hotel di e marca aki cu como 9000 camber den pleno desaroyo.

E compania ta posee como 24000 camber bou varios marca di hotel na Mexico, den Caribe, Merca y Spaña.

Minister President Mike Eman: “FOR DI NOORD TE SAN NICOLAS, FOR DI BARIO TE CIUDAD, FOR DI HUBENTUD TE NOS GRANDINAN — E BON COMUN TA E STREA DI GUIA PA NOS GOBIERNO.”



Memey di un Caya Grandi yena cu miles y miles di ciudadanonan entusiasmo cu e éxito grandi di e iniciativa pa reactiva Caya Grandi, Minister President Mike Eman, a comparti cu prensa su alegría cu e éxito aki tambe.

Den apenas dos luna despues di tuma e responsabilidad di goberna, Prome Minister Mike Eman ta sinti cu e gobierno nobo di AVP-Futro ta logrando resultadonan concreto

pa pueblo di Aruba, mehorando bida di nos hendenan y un sentimiento cla di un direccion nobo basa riba dignidad, cuido y comunidad. Un rumbo cu ta dunando perspectiva.

“Nos misión ta cla,” Prome Minister Eman a bisa. “For di Noord te San Nicolas, for di bario te ciudad, for di hubentud te anciano — e Bon Comun ta nos guia den cada paso cu nos ta tuma.” Eman ta para keto na cambionan cu ta muestra e direccion cu e gobierno nobo ta encamina ta pa e pueblo henter, e BON COMUN.

- Un aumento di Afl. 250 pa tur pensionado, duna yudansa directo na e mayor di edad cu a traha su parti pa nos sociedad.
- E reintroduccion

di un paquete di remedio mas completo cubri dor di AZV, pa garantiza cu cada cuidadano tin acceso na cuido di su salud y remedinan necesario pa biba cu seguridad y dignidad.

- Inicio di un programa nacional pa haci limpi y mantené e barionan, cuminsando den Noord, Village y Bushiri — trece orguyo bek den nos espacio público y fortalece e corazón di comunidad.

- Un reset di e revitalisacion di Centronan di Ciudad Oranjestad y San Nicolas. E gran evento cultural den Caya Grandi, e mas grandi cu a yega di tuma luga - un senjal cla cu Oranjestad ta renace como un centro di cultura, comercio y bida social.

“E decisionnan aki no ta



aisla,” e Prome Minister a enfatisa. “Nan ta muestra cla di un renovacion profundo — un gobierno cu ta scucha, cu ta importa, y cu ta pone e hende prome. E ta parti di un vision a largo plaso caminda progreso economico y hustisia social ta bai man den man.”

Prome Minister Eman a reafirma cu e gobierno lo sigui traha riba base di Bon Comun, como e principio permanente pa cada desision y direccion.

“Nos lo sigui traha bario

pa bario, hende pa hende te cu tur ciudadano por compartí den e promesa di un miho mayan.”

Prome Minister Eman a sera su declaracion cu un yamada pa union y inspiracion compartí:

“Esaki ta solamente e cuminsamento. Cu Fe, Speransa y Amor como nos fundeshi — y cu e Bon Comun como nos guia — nos lo traha un Aruba cu prosperidad comparti, oportunidad pa henter nos pueblo.”

MINISTER DI HUSTICIA ARTHUR DOWERS A INSPECCIONA FACILIDADNAN DI INMIGRACION NA AEROPUERTO REINA BEATRIX

Diamars 3 di juni, Minister di Husticia, mr. drs. Arthur Dowers, a haci un bishita oficial di trabao na Aeropuerto Internacional Reina Beatrix, den cuadro di un inspeccion di e facilidadnan cu ta resorta bao di su responsabilidad. Durante e bishita, Minister Dowers a pone énfasis riba e facilidadnan di Inmigracion, un area cu recientemente a haya atencion di media den un contexto negativo, relaciona cu rijnan largo di espera pa pasaheronan cu ta saliendo for di

Aruba.

Minister Dowers a enfatisa cu Aruba ta confrontando un “problema di luho”: un nivel di turismo sumamente halto cu e infraestructura actual no ta completamente capacita pa atende di manera optimal. Tin mas turista cu nos sistema actual por maneha cu rapides, pero esaki no ta un motibo pa keda sin haci nada. Aruba mester sigui inverti den solucion practico y sostenibel.

Den pasado a inverti den sistemanan moderno manera Happy Flow y

E-Gates, cu ta parti di e esfuerso pa modernisa y acelera e proceso migratorio pa salida. Sinembargo, e situacion actual ta rekeri un evaluacion serio di e siguiente pasonan pa implementacion. E meta ta cla: mehora e experiencia pa tur bishitante cu ta saliendo for di Aruba y garantiza cu e proceso di salida ta tuma luga den un ambiente cu airco y no den cayente riba acera. Minister Dowers a reafirma su compromiso pa sigui traha hunto cu e autoridadnan competente,

incluyendo Departamento di Inmigracion, Directie Luchthaven, y otro actornan clave, pa logra un mehoracion concreto y sostenibel cu ta pone nos aeropuerto na nivel mundial.

E inspeccion ta parti di un esfuerso mas amplio pa evalua e funcionamiento di e facilidadnan na nos puntonan di entrada di salida cu ta regarda husticia, y pa traha riba un modelo operacional cu ta sirbi tanto e bishitante como nos localnan.

GOBIERNO TA DUNA INICIO OFICIAL NA FASE 1 DI REVITALISACION DI SAN NICOLAS



Cu e compromiso continuo pa revitalisa San Nicolas, dialuna mainta a tuma luga e groundbreaking oficial di fase 1 di renovacion di e stacion di bus na San

Nicolas. E acto a tuma luga na presencia di Minister di Husticia, temporalmente responsabel cu Infraestructura, mr. drs. Arthur Dowers, y Minister



di Finansa y Economia mr. Geoffrey Wever.

Minister Dowers, cu ta encarga cu infraestructura, a enfatisa cu e renobacion di e stacion di bus ta mas cu simplemente un proyecto di construccion. San Nicolas merece inversion continuo, pa por duna un impulso economico anhela.

E prome fase ta encera remodelacion di henter e area di stacion di bus, cu lo tin dos fase.

E prome parti lo dura cinco pa seis siman y ta inclui:

- Renoba y modernisa e stacion di bus y e area;
- Construccion di un Farmer's Market na e parkeerplaats cu lo cay bao maneho di Santa Rosa;
- Instalacion di un

speeltuín entre e edificio di SETAR y Post Aruba.

Minister Dowers a reconoce cu den pasado, proyectonan pa San Nicolas a tuma mas tempo cu ta desea, pero a expresa cu esaki a cambia y cu resultado ya ta visibel.

Minister Geoffrey Wever, ta trahando duro pa balansa e desaroyo economico riba henter e isla, y a splica cu tin un bon alineacion entre e vision pa San Nicolas den e coalicion actual. E vision pa traha e vierbaansweg, restaura monumentonan y e reanimacion di turismo cultural, ta alinea cu e vision di e partner di coalicion y ta forma parti di e plan di Gobernacion. “Nos ta traha pa hiba San Nicolas bek den su añanan di gloria.”

E renobacion di e stacion di bus ta parti di un plan amplio pa revitalisa e ciudad:

- Renobacion di caminda, cayanan y espacionan comun
- Promocion di desaroyo economico local
- Impulso di turismo y comercio
- Inclusion di tur ciudadano den e rikesa di nos Pais.

Gobierno tin e compromiso profundo pa mehora e calidad di bida di e habitantenan di San Nicolas y ta traha cu firmesa pa crea un ciudad cu ta florece, ta sostenibel y cu ta comparti e rikesa economico.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



BRAZIL TAEKWONDO STICHTING TA CLA PA ARACARI TAEKWONDO CUP



Brazil Taekwondo Stichting ta organisa e di tres Aracari Taekwondo Cup cu ta e di dos clasificacion pa Best of the Best 2025. Brazil Taekwondo Stichting su team di "Train Hard Fight Smart" ta cla pa enfrenta e otro scolnan cu tambe ta prepara pa Diasabra 14 di Juni 2025.



Aña pasa Chaco Taekwondo Academy a gana e Copa di Best Team. E aña aki e scolnan di Taekwondo a train y ta cla pa enfrenta otro den Centro di Bario Brazil. Nos refereenan Internacional lo cuminsa cu e evento pa 9'or di mainta.

Brazil Taekwondo Stichting ta haci un yamada na tur e fanaticonan di Deporte pa bin apoya e atletanan Diasabra awo den Centro di Bario Brazil.

TA BENDE:



“WELDING MASHIN 220v”
den bon Condicion.
Prijs AFL:250,
Info: jama
cel **5697787**

Clasificados

SOLODIPUEBLO@GMAIL.COM
CEL.585 9500



TA BENDE: BBQ GRILL TIPO CRIYoyo I DURADERO



INFO JAMA:
5697787

PA SU MESUN SEGURIDAD POLIS A DETENE DAMA "WAYOUT" NA E HOTZONE!



Dialuna madruga a drenta "out of control" y pata pata un patruya na e sitio. informe di cu tin un dama burachi, mesora a dirigi Na yegada di e patruya



a bin topa cu e dama y como no por a saca niun informacion for di dje ni por a cana, pa su mesun seguridad polis a detene y hib'e na warda di polis.

PARLAMENTARIO JOHN HART:

PARLATINO TA RATIFICA IMPORTANCIA DI CONTROL PARLAMENTARIO DEN TRANSICION DI ENERGIA



ORANJESTAD (8 di juni 2025) – Parlamentario di AVP, John Hart, ta destaca cu e transicion di energia di un pais mester ta husto y su inversion merece claridad. Representacion di pueblo pa medio di

Parlamento ta clave den tur esaki. Durante e dialogo politico den juni 2025 na Parlatino, tocante Accion Climatico y transicion husto, a destaca den e sede permanente di energia

y tambe durante panel discussions e importancia di e rol di un Parlamento di un pais pa por controla leynan y/of maneho di un gobierno den cuadro di transicion di energia, y tambe e importancia di participacion di un comunidad den cuadro di transicion di energia. Durante e comision di energia cu Parlamentario Hart a forma parti di dje, a pone enfasis riba e aporte parlamentario den e cuadro di ley y tambe con por aproba presupuesto cu ta pone enfasis riba e accion climatico cu un transicion di energia husto. Tabata un dialogo politico sumamente interesante caminda por conclui cu transicion di energia mester di leynan cu ta compaña e ritmo di innovacion. Control parlamentario pa

transicion di energia ta sumamente importante pa un pais y mester tin un bon comunicacion entre gobierno, parlamento y e comunidad ora ta trata transicion di energia. Lamentablemente, por conclui cu na Aruba esaki no ta e caso. Den e ultimo añanan no tabatin participacion di comunidad debido den e tema di transicion di energia, tampoco a activamente involvi Parlamento di Aruba den asuntonan crucial y fundamental den transicion di energia manera Eagle LNG of Hydrogen Valley. Echo ta cu Aruba ta mara na man cu pia pa 20 aña na un contract cu Eagle LNG, pero e representacion di pueblo no tin ningun claridad riba esaki. Parlamentario Hart a expresa su preocupacion

serio den un yamada cla pa parlamento haya transparencia y claridad tocante e maneho di transicion energetico di Aruba. “E congreso na Parlatino ta mustra un bes mas cu Parlamento tin un responsabilidad pa controla gobierno den e pasonan cu ta tuma den cuadro di transicion di energia. Tin un tempo pa tur cos bou di e solo aki y mi ta kere cu a yega e tempo pa e minister encarga cu energia, bin parlamento pa duna claridad riba e transicion di energia.” E a dirigi un carta na Minister Arthur Dowers cu diferente pregunta y e peticion pa convoca un reunion, preferiblemente publico, pa pueblo scucha directamente kico ta pasando cu e traspaso den cuadro di transicion di energia.

MOTOCICLISTA A PERDE CONTROL Y CAY DILANTI AUTO STACIONA



Diadomingo merdia a drenta informe di un incidente cu hende herida na caya Frere Bernardinus, mesora a dirigi tanto polis como ambulans na e sitio. Na yegada di e

patruxa a bin compronde cu aki ta trata di un incidente unda un motociclista a perde control y a dal abao net dilanti un auto staciona riba acera. Debi na e caida e

motociclista a resulta levemente herida. Na yegada di e ambulans nan a atende e motociclista. E brommer mes a haya un poco daño.



Un sesion dinamico na nivel academico cu lo trata e tema di futuro di Deporte **ROSS ISMAIL TA REPRESENTA COA NA E "65TH INTERNATIONAL SESSION FOR YOUNG OLYMPIC AMBASSADORS"**



Ayera a inicia e "65th International Session for Young Olympic Ambassadors" na Olimpia-Grecia, unda hobennan di mas di 100 pais rond mundo ta participa. Representando Aruba y COA na e sesion aki ta Ross Ismail, preparador fisico y tecnico di Comité Olimpico Arubano. Ross ta un hoben dinamico cu ta traha den Direccion Di Deporte na COA y awo

ta haya e oportunidad di comparti y intercambia su conocimiento y experiencia cu tur otro presente. Ademas di participa den diferente sesionnan cu lo trata e tema di e Futuro di deporte na nivel mundial, tambe lo tin tayernan interactivo unda lo trata "Olympic Movement and AI: Opportunities and Challenges". Nos ta desea Ross hopi exito! #TEAMARU

Pelea cu hincamento na Tarabana



Diadomingo anochi a drenta informe di un pelea tumando lugar cu hincamento, mesora a dirigi tanto polis como ambulans na e sitio. Na yegada di e patruya a bin

compronde cu e agresor lo a bandona e sitio y unicamente a haya e victima. Na yegada di e ambulans nan a atende e victima pa e hinca cu ela ricibi.

Minister Gerlien Croes a reuni cu IBiSA: HUNTO PA FORTALECE DEPORTE Y MOVECION NA ARUBA

Oranjestad, 9 di juni 2025 – Minister Gerlien Croes como minister di Deporte a realisa un bishita oficial na oficina di IBiSA (Instituto Biba Saludabel y Activo), den marco di un encuentro di introduccion y fortalecimiento di cooperacion. E reunion a brinda oportunidad valioso pa establece laso directo cu e team di IBiSA y pa dialoga tocante temanan clave relaciona cu e desaroyo di deporte, salud y movecion na Aruba. Durante e conversacion, a trata aspectonan importante di e organisacion, incluyendo su formacion y e

cambionan structural cu ta tumando luga actualmente, su vision y rol fundamental den e desaroyonan aki. Minister Gerlien Croes y e team di IBiSA a papia abiertamente riba temanan urgente, como tambe proyectonan importante cu ta bay implementa of ta den ehecucion caba. Minister Croes a expresa su reconocimiento pa e trabao continuo y e compromiso firme cu IBiSA ta demonstra pa cumpli cu su mision: lanta un comunidad activo, saludabel y un Aruba cu ta pone bienestar fisico y mental di su ciudadanonan na e centro di su desaroyo.



"Cada encuentro ta un paso mas cerca pa nos logra un Aruba cu ta crece, siña y briya hunto. E colaboracion entre Gobierno di Aruba y IBiSA ta esencial pa promove un estilo di bida saludabel,

inclusivo y sostenibel, for di nos muchanan te cu nos adultonan mayor", Minister Croes a destaca. E reunion a caba den un ambiente positivo y constructivo, cu ambicion renoba pa traha hunto riba

proyecto y iniciativanan cu ta rebiba movimiento, salud, union y deporte den nos bario y scolnan.

Pa un futuro di Aruba cu ta crece hunto, cu energia, pasion y direccion!

PARLAMENTARIO JOHN HART TA PIDI ACTUALISACION DI CASO A.C. LANOY



ORANJESTAD (8 di juni 2025) – Presidente di comision di husticia den Parlamento,

Parlamentario John Hart, a haci un peticion formal na Minister di Husticia, mr. drs. Arthur Dowers,

pa tuma parti den un vragenuur oficial tocante e caso di A.C. Lanoy. E vragenuur aki lo tuma lugha diaranson awo, 12 di juni 2025, den sala di Parlamento di Aruba.

Manera por corda, na februari ultimo, Parlamento di Aruba a urgi gobierno durante un reunion publico pa instrui e departamento hudicial encarga cu e ehecucion di e investigacion den e caso di A.C. Lanoy, pa brinda transparencia activa na e famia di A.C. Lanoy y na comunidad di Aruba.

Segun Parlamentario Hart, e importancia pa keda tene e gobierno skerpi

den asuntonan manera esaki ta vital, y ta pa es motibo ey, cu den e prome siman di su funcion como parlamentario, e ta pidi un vragenuur specifico riba e caso.

Den e sesion, Parlamentario Hart ta pidi Minister Dowers pa duna un actualisacion general riba e estado di investigacion y e pasonan cu Ministerio di Husticia lo tuma aden, sin perhudica e integridad di e investigacion mes.

Tambe ta pidi informacion adicional tocante e status di proyectonan pa Cuerpo Policial Aruba, manera bodycam, dash cam, test

di droga y otro herment operativo cu ta importante pa restaura y consolida e confianza publico den nos sistema di husticia.

Cu e iniciativa aki, Parlamentario Hart ta busca pa fortalece e liña di informacion y transparencia cu e pueblo di Aruba ta exige y tin derecho riba dje den un caso cu a lanta hopi preocupacion y cuestionamento den comunidad.

Pueblo mester sa kico ta tuma lugha, mientras cu ta esencial pa Parlamento cumpli su rol di vigilancia y defensa di e interes publico.

Minister Geoffrey Wever:

“Ban Bek Caya” exitoso, un iniciativa di Gabinete AVP-Futuro pa rebiba centro di Oranjestad

Oranjestad 9 juni, 2025 - Diabierna ultimo den un forma masal Aruba a acudi den nos caya principal Caya G.F. Betico Croes, desde Plaza Daniel Leo te cu Plaza Nikki Habibe y Plaza Comercio, unda cu Gobierno conhuntamente cu sector priva a organisa gran evento “Ban Bek Caya”. Hopi ta esnan cu a comenta di a sinti e nostalgia di tempo cu caya tabata vibrante y bibo.

Ultimo añanan pa diferente motibo e caya principal no a biba mas manera ela biba diabierna ultimo. Centenares di hende a bin disfruta di un anochi ameno cu musica, entretenimento, ambiente y por a probecha di hopi descuento y specials cu tabata tin den caya.

“Desde cu mi a haya e oportunidad pa bira minister, mi vision tabata pa revitalisa nos centro di ciudad como tambe esun di San Nicolas,” Minister Wever a cuminsa ta bisa, “Awe mi por mira cu ora traha den union por logra hopi. Mi kier a gradici nos Prome Minister Sr. Mike Eman y Minister di Turismo Sr. Wendrick Cecilia pa nan empeño pa por a logra esaki.. Poco poco nos lo trece e bida y vibracion cu Oranjestad merece.”

Desde inicio Minister Wever a cuminsa cu e proyectonan pa revitalisa Oranjestad. A cuminsa prome cu Plaza Comercio cu ta un plaza cu mas y mas ta haya su destino y unda diabierna hopi comerciante local a bende nan productonan local. A remodela parking

lot dilanti Ex Branchies pa crea mas espacio di parkeo. Casa Veneranda ta den pleno remodelacion y ta premira cu pa fin di 2025 lo keda ta cla. Ex edificio di OM lo ta pronto un studentenflat cu tambe lo bai trece mas hende den nos centro di ciudad. A renoba edificio unda awor AFTA ta situa, como tambe edificio di ex Interbank. Wilheminastraat ta drenta awor den su di tres fase di renobacion. Pronto lo cuminsa cu edificio di John E. Eman (ex Aruba Bank). Y awor cu e actividad manera “Ban Bek Caya” nos por mira cu e vision pa revitalisa e centro di Oranjestad ta bira un realidad.

Minister Wever un bes mas ta gradici tur esnan cu di un of otro manera a yuda pa por a logra ehecuto un actividad



asina bunita den centro di ciudad. Awor cu esaki a tuma lugar, nos lo pasa bek cerca e comerciantenan pa asina nos haci un evaluacion di e

impacto cu e actividad tabata tin pa nan y alabes pa ricibi nan comentario y sugerencia con pa haci e proximo “Ban Bek Caya” aun mas exitoso.

Rosario Bibo diaranson 11 di juni na Alto Vista

Diaranson awo, 11 di juni, lo tin otro Rosario Bibo na Kapel di Alto Vista. Lo cuminsa resa pa 7 or y mey di anochi y tur presente lo por presenta nan intencion personal y general.

Lo resa hunto pa paz na mundo y den cada cas di famia na Aruba. Lo resa tambe pa tur enfermo, esnan den cas di cuida y pa nos hobennan.

Den nos orashon lo corda esnan tambe den necesiad material pa nan por haya alivio y solucion pa nan situacion.

Comision organizado ta invita tur hoben y adulto pa bin resa hunto na pia di nos Birgen di Alto Vista y pa tur intencion yega cerca Tata Celestial pa medio di intercesion di nos Mama Maria.

Minister di Husticia Arthur Dowers a reuni cu Minister di Husticia Hulandes David van Weel

Minister di Husticia di Aruba, mr. drs. Arthur Dowers, durante su bishita oficial na Hulanda, a tene un reunion constructivo cu su homologo di Hulanda, Minister di Husticia David van Weel. E encuentro ta parti di e esfuersonan continuo di Gabinete AVP-Futuro pa fortifica cooperacion y sosten entre Aruba y Hulanda den e area crucial di husticia y siguridad.

Durante e reunion, a subraya e importancia di un cooperacion solido y bon estableci entre Aruba y Hulanda, un relacion cu ta basa riba respet mutuo y compromiso pa enfrenta desafionan comun riba tereno di ley y orden publico.

Minister van Weel a elogia e decision y esfuerso di Minister Dowers, cu den un corto tempo despues di su nombramento, a pone prioridad riba e laso



institucional entre Aruba y Hulanda.

Temanan importante cu a trata durante e dialogo ta inclui:

- Crimen cibernetico (cybercrime), un menasa creciente cu ta pidi un enfoke coordina y actualisa.

- Problemanan relaciona cu droga, cu impacto tanto den siguridad regional como interno.
- Intercambio structural di informacion valioso, pa fortalece investigacion y maneho di casonan di delincuencia.
- Falta di personal den Landsrecherche, un punto di preocupacion cu ta pidi atencion urgente.
- E rol y input di RST (Recherche Samenwerkingsteam) como un pilar esencial den lucha contra crimen organisa.

Minister Dowers a enfatisa cu e cooperacion continuo cu Hulanda ta di suma importancia pa fortalece e capacidad institucional di Aruba, y cu e ta compromete pa sigui busca solucion conhunto pa e desafionan cu nos ta enfrenta.


E reunion ta un paso mas den e rumbo pa fortifica e laso regional y pa garantiza un sistema di husticia mas eficiente, confiabel y resistente contra menasanan den e mundo moderno aki.

SUDOKU


8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1			5		
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 09, 2025





Sorteo # 4645


0680


6520


6017

**X2**


**3288**


**X2**


**4308**

**1727**

Sagitario

**740**

**X2**



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

130.000,-



Sorteo #


0 x Jackpot

0 x Match 4

0 x Afl. 8,00

Proximo Jackpot

99.000,-



Sorteo #

0 x Jackpot

0 x match 4

0 x Afl. 500,00


0 x Afl. 50,00

0 x Afl. 15,00


Mega Ball

Proximo Jackpot


400.000,-



Afl. 600.000,-



Sorteo #



FORTALEZA PA FAMIA

Scirbi pa Pastor Marcel Balootje.

SI BO NO PORDONA BO PROHIMO, DIOS TAMPOCO LO PORDONA BO



E ta para scirbi na grandi den Mateo 6:14-15, e ta bolbe ripiti den Marco 11:25, pa recorda tur hende cu oracion y pordon ta cana hunto.

Den Lucas 17:1-4 Dios ta mada un alerta pa tur hende bisando: Ta inevitabel pa tentacion lo bin, ma ay di esun pa medio di kende nan ta bini. Lo tabata miho pe si un piedra di molina a wordo cologa na su garganta y e a wordo tira den laman, cu si e mester haci un di e chikitonan aki trompica.

Tene cuidao, Si bo ruman peca, reprende, y si e repent, pordone,

Si peca siete biaha pa dia contra bo, y bolbe bo siete biaha bisando mi ta repent, pordone.

Tin hopi hende hende ta haci wega cu falta di pordon, pero si nos ta nota bon cla cu un hende cu no ta pordona, of cu no kier compronde cu e tin di pordona, of ta tarda pa pordona. mester sa cu falta di pordon ta desobediencia na Dios.

E ta un hende cu ta cana cu un bala grandi di hero mara na su pia, manera presonan di den pasado, y un hende asina su bida ta tranca y no ta bay dilanti, pasobra segun e. e ta wanta otro hende atras, y

caba e mes ta kedando atras pa falta di pordon.

Cristo Hesus ta splica bon cla pa tur hende compronde kico ta pasa cu hende cu nota pordona di curason den Mateo 18:21:35, caminda E a bisa Pedro cu e mester pordona su ruman setenta biaha siete bes.

Y despues E a splika con Dios ta pordona nos, y con nos mester pordona nos ruman, y den Mateo 18:32-35 Cristo Hesus ta bisa bon cla con su Tata den cielo lo trata cu esun cu no kier pordona di henter su curason.

Awendia nos ta mira cuanto divorcio pa falta di pordon, cuanto abandono di hogar y famia, pa falta di pordon, cuanto duresa di curason pa falta di pordon, cuanto malicia ta wordo comete pa falta di Pordon y Orguyo.

Pero tambe nos ta mirando cuanto hende ta pone nan salud mental na peliger y nan salud fisico na peliger pa falta di pordon.

Pasobra e palabra di Dios ta bisa bon cla cu ora bo no pordona, burdugunan lo tortura , si nan lo tortura bo consenshi, pasobra un hende cu no kier pordona, mester pone su consenshi na ordo cu si bo

consenshi ta sushi, of bo tin mal consenshi, bo mester arepent y drecha cuenta cu Dios.

Pasobra falta di pordon ta pica, y pica no ta drenta dilanti Di Dios, e asunto aki ta hopi serio pasobra, dia pa dia nos ta mirando cuanto maldad tin riba mundo, y cuanto maldad hende ta haci contra otro.

Wak bon pa bo mes, pasobra ta parece manera diabel ta pone presion riba hende , y no ta tuma na cuenta e danjo cu ta wordo, haci personal, matrimonial, familiar, financiero of di tur otro forma, y Dios ta para firme riba su palabra, Dios su palabra no ta cambia. Dios ta spierta nos pa awe y den futuro, cu si nos no pordona Dios tampoco lo pordona nos.

Y cu e risico cu amargura lo drenta nos curason, divison ta drenta y nos bida y nos apariencia lo cambia. (Hebreonan 12:14-15).

Falta di pordon por contamina henter un famia, y danja henter un hogar, pone cu muchanan lo crece den rebeldia.

Laga nos tur ta carinioso cu otro y pordona otro, mescos cu Dios a pordona nos den Cristo Hesus. .

Sopi di Letranan

E C U B A A C I R A T S O C C X L
M L A I R O T A U C E A E N I U G
N Q A D V X U R U G U A Y P C H C
O G L I O X K H B W N G D E S D E
C Q E P G M E R L K C O C H A U L
I R U H A B I L M W L V D C R N S
R R Z Q Q R J N I S Q O W U U C A
O O E G R B G O I H R E P A D O L
T V N V N T C E A C C Y I D N L V
R A E P A I D Ñ N P A V U R O O A
E L V L X U A R A T I N X K H M D
U A E É B P G N O L I E A Q H B O
P M M P S Ú A A O D E N N T M I R
H E A E R M A B R C A F A Z R A A
P T L E Á O K P L A G U P Z N C L
Z A P S Q G I R O M C E C W N G J
J U X Y A U G A R A P I Z E U P V
U G C P R N P D E Q I V N L G E D

ARGENTINA
BOLIVIA
CHILE
COLOMBIA
COSTARICA
CUBA
DOMINICANA
ECUADOR
ELSALVADOR
ESPAÑA
GUATEMALA
GUINEAEQUATORIAL
HONDURAS
MÉXICO
NICARAGUA
PANAMÁ
PARAGUAY
PUERTORICO
PERÚ
URUGUAY
VENEZUELA

Clasificados

SOLODIPUEBLO@GMAIL.COM
CEL. 585 9500